



Master en langues, cultures et médias – Lëtzebuerger Studien

–
Master académique


Vum Renert bis bei d'SMS




Linguistik



Soziolinguistik



Literatur



Medien



UNIVERSITÉ DU
LUXEMBOURG



D'Fakultéit des Lettres, des Sciences Humaines, des Arts et des Sciences de l'Éducation vun der Universitéit Lëtzebuerg bitt Bachelor a Master Programmer a Formatioun continuen a Sozial- an Erziehungswissenschaften, Sprooch a Literatur, Psychologie, Philosophie, Geschicht, Geographie a Politikwissenschaften un. An eisen Ecoles doctorales ginn zukünfteg Chercheuren ausgebilt.

Eis Haaptfuersuchungsgebidder si Léieren an Ënnerriichten an engem multikulturellen a méisproochegen Ëmfeld, d'Zesummespill vu Gesondheet a Behuelen, Migratioun an Identitéit, sozial Ongerechtegkeeten an nohalteg Entwécklung.

D'Fakultéit steet um Campus Belval, engem fréiere Site vun der Stolindustrie am Süde vu Lëtzebuerg.

FIRWAT E MASTER AN DE LËTZEBUERGER STUDIEN?

De Master ass innovativ a senger Perspektiv, andeems en d'Lëtzebuenger Sprooch, Literatur a Kultur an de méisproochegen a multikulturelle Kontext vum Land abett an dobäi berücksichtegt.

Zil ass d'Ausbildung vun Experten, déi net op eng Disziplin fixéiert bleiwen, mee interdisziplinäert Wëssen a Kompetenzen an de Gebidder vun der Lëtzebuenger Sprooch, der Literatur, der Kultur an de Medien entwéckelen.

D'Formatioun gëtt en Abléck an déi wichtegst Methoden an Instrumenter vun de Sprooch-, Literatur- a Kulturwëssenschaften a vermëttelt d'Kompetenz, spezifesch lëtzebuergesch Charakteristiken ze analyséieren an ze bewäerten, esouwéi den Afloss vun anere Kulturen zu Lëtzebuerg ze analyséieren an an enger méi breeder internationaler Perspektiv vergläichen ze kënnen.



Prof. Dr. Peter Gilles, Studiendirektor

IWWERBLÉCK MODULESTRUKTUR

De Master ass an dräi Beräicher organiséiert:

Sproochwëssenschaft

Vermëttlung vu linguisteschen a soziolinguisteschen Analyse- a Beschreibungsmethoden applizéiert op d'Lëtzebuergesch an déi lëtzebuergesch Sproochesituatioun: Beschäftegung mat de sproochleche Strukturen (Phonetik/Phonologie, Morphologie, Syntax), der Sproochgeschichte a -standardiséierung, mat der Méisproochegkeet, Sproochkontakt

a Code-switching a mat der Sproochepolitik. Bei all Aspekt gëtt och berücksichtegt, wat fir en Afloss déi héich Variatioun (sozial, regional, individuell) op déi sproochlech Strukture resp. déi konkret Kommunikatiounssituatioun huet.

Literaturwëssenschaft

An dësem Deel vum Masterprogramm geet et drëm, duerch eng Aféierung an d'Lëtzebuenger Literatur an hire verschiddene Sproochen e fondéiert Wësse vum Kanon an iwwert d'Wierker aus de verschiddene Gattungen ze vermëttelen.

D'Literature ginn net nëmmen an hirem Bezuch ënnerteneen, mee och an hiren internationale Bezéiungen, Uleenungen an Orientatioune studéiert. Duerch kulturtheoretisch a -wëssenschaftlech Modeller an Aspekter solle Praktiken an Techniken vum Kulturtransfer a spezifesch interkulturell Elementer an der Lëtzebuenger Literatur nogewise ginn.

Am literaturhistoreschen Iwwerbléck vun der Lëtzebuenger Literatur gëtt op déi Entwécklungen, Zäsuren a Wenden higewisen, déi d'Literaturdynamik während den einzelnen Epoqué konditionéiert hunn. Nieft der literaturhistorescher Approche sinn et och literaturtheoretisch a literatur-soziologesch Methoden, Theorien a Konzepter, déi hei hëllef sollen, Texter an hirem historesche Kontext ze verstoen an z'interpretéieren.

E weidere Schwéierpunkt besteet dodran, Literatur an hire Bezéiungen a Kontributiounen zum sozialen, historeschen, politeschen an institutionelle Kontext ze gesinn an z'analyséieren.

Kultur- a Mediewëssenschaften

Hei stinn d'Geschicht vun de Medien an d'Kinosgeschichte am Fokus. Doriwwer eraus ginn aus enger breeder kulturwëssenschaftlecher Perspektiv d'Identitéitsdiscoursé belicht.



Master en langues, cultures et médias - Lëtzebuenger Studien: Den Numm verréit engem schonn, a wéi eng Richtung dëse Master geet! Et gëtt besonnesch vill Wäert op d'Interdisziplinaritéit geluecht an et war ganz genau deen Aspekt, dee mech perséinlech motivéiert huet, fir mech an dësem Master unzemellen.

Et huet Spaass gemaach, endlech emol Recherche op deem Terrain ze bedreiwen, op deem een sech all Dag befënnt, an déi Sprooch z'entdecken an emol richteg schreiwen ze léieren, déi een dagdeeglech benotzt. Vu dass et sech net ëm e fachspezifische Master handelt, huet een d'Méiglechkeet, meeschtens un deene Sujeten ze schaffen, déi engem perséinlech am beschten zousoen. Sou koum et, dass ech mech vill mat Theme beschäftegt hunn, déi mat de lëtzebuergesche Medien ze dinn haten, wéi zum Beispill Tëlee, Kino oder Musek. Natierlech hunn dës Sujeten ëmmer missen a Besuch mat de Coursë stoen. Dëst war awer keng gréisser Schwierigkeet an dofir kann ech aus menger Erfahrung eraus soen, dass ee bei dësem Master méi fräi ass, wat de Choix u Sujeten ugeet, wéi ech dat vläicht virdu bei mengem anere Studium kannt hunn.

Natierlech kann ech net behaupten, dass dëse Master perfekt ass, ma ech hunn et awer vu Virdeel fonnt, datt d'Responsablë fir Kritik vun de Studenten oppe waren. E weidere grousse Virdeel vun dësem Master läit dodran, datt ee relativ oft d'Méiglechkeet huet, a senger Recherche Pionéieraarbecht ze leeschten. Vu dass dëst Fuerschungsfeld a munche Beräicher nach am Opbau ass, kann een oft als eng vun deenen éischte Persounen un engem Sujet schaffen an dësen dann och analyséieren an dat hunn ech besonnesch interessant fonnt.

En anere Fait, dee mer relativ gutt bei dësem Master gefall huet, ass, dass een d'Geleeënheet krut, fir e bësse praktesch Erfahrung um Terrain ze sammeln. Esou krut ech ënner anerem emol d'Méiglechkeet, fir e kuerzen Ausflug an d'Welt vum Theater a vum Radio ze maachen an doduerch och éischt Kontakter mat der Lëtzebuenger Mediewelt ze knäppen.

Alles an allem kann ech also vun enger ganz positiver Erfahrung schwätzen, déi ech während dësem Studium gemaach hunn, a soumat kann ech dëse Master am Fong just weiterrecommandéieren.

Fränk Munro, Walfer
Diploméiert mam „Master en langues, cultures et médias – Lëtzebuenger Studien“.
De Fränk Munro dréint grad säin éischten Dokumentarfilm

BERUFFLECH PERSPEKTIVEN

- Professer fir d'Lëtzebuergesch am Enseignement secondaire an am Enseignement secondaire technique (am Kader vum Gesetz vum 22. Mee 2009 iwwert 'b) de la fonction de professeur de langue luxembourgeoise' (Art. 12)) Pro Joer gi vum Educatiounsministère momentan ca. 2 Kandidatinnen/Kandidate fir de Concours ugeholl.
- Recherche (z.B. Doktorat)
- Politesch a kulturell Institutiounen
- Redaktioun a Lektorat an den Editiouns- a Pressehaiser
- Theateraarbecht a -kritik

INSTITUT FIR LËTZEBUGESCH SPROOCH- A LITERATURWËSSENSCHAFT

Den Institut fir lëtzebuergesch Sprooch- a Literaturwëssenschaft beschäftegt sech mat sproochwëssenschaftlechen a literaturwëssenschaftlechen Aspekter vum Lëtzebuergesch am Kontext vun der Méisproochegkeet.

D'Institut gouf am September 2006 gegrënnt an ass Deel vun der interdisziplinärer Unité de Recherche IPSE.

Méi Informatiounen op <http://lux.ipse.uni.lu>.

D'EQUIPE VUN DEN ENSEIGNANTEN (2016)

- Ass-prof. Dr. Julia de Bres
- Ass-prof. Dr. Jeanne E. Glesener
- Dr. Ian de Toffoli
- Ass-prof. Dr. Sonja Kmec
- Fernand Fehlen (Vacataire)
- Dr. Paul Lesch (Vacataire)
- Prof. Dr. Peter Gilles (Studiendirekter)
- Dr. Melanie Wagner

STUDIENPROGRAMM

De Contenu vun der Formatioun ass op dräi inhaltlech Beräicher verdeelt: Sprooch, Literatur a Medien- a Kulturwëssenschaft.

Beräich	Moduler	ECTS
Sprooch	Lg1-Lg6	36
Literatur	Li1-Li6	36
Medien- a Kulturwëssenschaft	Me1-Me3	18
Optioun 1		
Mémoire	Ma	26
Tutorat a Colloque am Kader vun der Masteraarbecht	TC	4
Optioun 2		
Mémoire	Ma	14
Stage (+Rapport)	St	12
Tutorat a Colloque am Kader vun der Masteraarbecht	TC	4
		120

Verdeelung op déi véier Semester

All Modul ass obligatoresch. Bei Bedarf kann d'Modulstruktur geännert ginn.

1. Semester

Module			ECTS
Lg1	Sprooch 1:	Lëtzebuergesch Linguistik I	6
Lg2	Sprooch 2:	Soziolinguistik vu Lëtzebuerg an der Groussregioun	6
Li1	Literatur 1:	Aféierung an d'Geschicht vun de Lëtzebuenger Literaturen	6
Li2	Literatur 2:	Landschaft, Ëmwelt a Literatur	6
Me1	Médias et Cultures 1:	Mediegeschicht	6
			30

2. Semester

Module			ECTS
Lg3	Sprooch 3:	Lëtzebuergesch Linguistik II	6
Lg4	Sprooch 4:	Sproochideologien	6
Li3	Literatur 3:	Narratologie	6
Li4	Literatur 4:	Literaturtheorie: Aféierung an Applikatiounen	6
Me2	Médias et Cultures 2:	Kinosgeschicht	6
			30

3. Semester

Module			ECTS
Lg5	Sprooch 5:	Sproochepolitik	6
Lg6	Sprooch 6:	Variationslinguistik	6
Li5	Literatur 5:	Lëtzebuenger Literaturen am Verglach	6
Li6	Literatur 6:	Literaturfeld, Auteuren, Fuerschung	6
Me3	Médias et Cultures 3:	Identitéits- und Erënnerungsdiscoursen	6
			30

4. Semester

Module			ECTS
Optioun 1			
Ma	Masteraarbecht		26
TC	Tutorat & Colloque		4
Optioun 2			
St	Stage		12
Ma	Masteraarbecht		14
TC	Tutorat & Colloque		4
			30

Am Kader vun engem Stage zu Lëtzebuerg bei RTL hunn ech gemierkt, dass mer a mengem Studium de konkrete Bezug zu der lëtzebuergescher Kultur- a Mediawelt gefeelt huet. Wéi ech dunn héieren hunn, dass en neie Master géif op der Uni Lëtzebuerg ugebuede ginn, dee genee dee Bezug hierstellt, hunn ech decidéiert, op d'Uni Lëtzebuerg ze wiesselen.

Ech war mer sécher, dass ech spéider hei zu Lëtzebuerg wéilt schaffen, an dofir wollt ech mech schonn am Studium konkret mat der Lëtzebuergescher Kultur- a Medielandschaft befaassen.

Wat ech am meeschten u mengem Studiegang geschätzt hunn, war dat grousst Engagement vun de Proffen. Mir hunn zu der éischter Promotioun vun deem Master gehéiert an et huet ee gemierkt, wéi motivéiert d'Proffen alleguer waren, en neie Studiegang op d'Been ze stellen. De Kontakt tëscht de Studenten an de Proffe wor méi enk wéi op villen aneren Unien an et ass ee méi perséinlech betreit ginn. Doriwwer eraus krut een dacks Offere fir Stagen oder Projeten, bei deenen ee praktesch Erfahrungen um Terrain konnt sammelen. Ech hunn zum Beispill beim Unisradio a Kooperatioun mam Radio 100,7 matgemaach an eng Ausstellung mat Rahmenprogramm am Kapuzinertheater organiséiert.

Ech hu scho während mengem leschte Semester vum Master Bewerbunge geschriwwen. Duerch Zoufall hat de Conseil National des Programmes, mat deem ech mech zu där Zäit am Kader vu menger Masteraarbecht beschäftegt hunn, eng Plaz ausgeschriwwen, op déi ech mech gemellt hunn. Ech konnt dunn direkt no mengem Ofschloss do ufänken. De Conseil National des Programmes representéiert verschidde kulturell, sozial a politesch Institutionen aus der Gesellschaft, a beréit iwwer Problemer, déi sech a Bezuch op d'Inhalte vun den audiovisuelle Medien stellen. Zu mengem Job hunn eng ganz Rei administrativ Aufgaben, awer och d'Koordinatioun vun der Surveillance vun de Radios- a Fernsehprogrammen, déi ënnert lëtzebuergescher Lizenz lafen, gehéiert. Seit Januar 2013 schaffen ech als Conservatrice an der Nationalbibliothék am Département vun der Luxemburgensia a këmmere mech hei ëm d'Gestioun an d'Valorisatioun vun de lëtzebuergeschen Zeitungen an Zäitschrëften.

Rotschléi fir nei Studenten

Ech géif soen, dat Wichtigst ass, scho während dem Studium ze probéieren, sou vill wéi méiglech praktesch Erfahrungen ze sammelen a Kontakt zu deene verschiddenen Institutionen ze kréien. Op déi Manéier kritt een en Abléck doran, wat fir Méiglechkeeten een herno berufflech huet. Donieft sinn esou Stagen och ëmmer ganz wichteg fir de CV a maachen engem d'Sich no enger Aarbechtsplaz herno méi liicht.

Sarah Stephan
Lëtzebuergerin, Master en « Langues, cultures et médias » op der Uni Lëtzebuerg
Viru Bachelor an der Konschtgeschicht mat Niewefach Kulturwëssenschaften an Däitschland,
ee Joer laang Master am Kultur- a Kommunikatiounsmanagement

ALLGEMENG INFORMATIOUNEN

Viraussetzung fir d'Aschreiwung

E Bachelorofschloss an enger Sprooch (z.B. Italienesch, Spuenesch, Franséisch, Däitsch, Englesch, Russesch o.ä.), de Mediawëssenschaften, der Geschicht oder anere Kulturwëssenschaften. Fir Kandidaten fir d'Professorscarrière ass e Bachelor an enger Philologie obligatoresch. E Bachelorofschloss bedeit normalerweis BAC+3. Eng Licence oder eng Maîtrise nom franséische System oder e Magister oder e Staatsexamen nom däitsche System ginn akzeptéiert. Studienofschlëss vun anere Fächer kënnen net akzeptéiert ginn.

Ufank vum Programm All September

Maximum u Kandidaten 20

Aschreiwungskäschten 200 € pro Semester

Dauer 4 Semester (Vollzäitstudium) oder 8 Semester (Deelzäitstudium)

Sproochen- ufuerderungen

Lëtzebuergesch, Däitsch, Franséisch, Englesch. De gréissten Deel vun de Coursë gëtt op Lëtzebuergesch gehalten.

Aarbechtsopwand

Den Aarbechtsopwand fir eng Formatioun berechent sech no de sou g. ECTS-Punkten (European Credit Transfer System-Points'). Een ECTS-Punkt bedeit ca. 30 Stonnen Aarbecht. Et kann een also z.B. fir e Cours mat 6 ECTS vun engem Opwand vun 180 Aarbechtsstonnen ausgoen. Dozou gehéiert d'Zäit am Cours selwer (30 Stonnen), d'Preparatioun, d'Nobereedung, d'Ausschaffe vun engem Projet oder enger Hausaarbecht an den Examen. De ganze Master huet 120 ECTS, d.h. 3600 Aarbechtsstonnen.



MASTERTHEESEN

AUS DE LESCHTE JOREN (AUSWIEL)

D'Entwécklungsgeschicht vun der lëtzebuergescher Orthographie, 2015, Tuteur: Prof. Dr. Peter Gilles

Der Erste Weltkrieg im literarischen Werk von Willy und Max Goergen, 2015, Tuteur: Dr. Anne-Marie Millim

Der Luxemburgischsprachige Spielfilm im Spiegel der nationalen Presse, 2013, Tuteur: Dr. Paul Lesch

Lëtzebuergesch als Friemsprooch: e methodesche Verglach vun der Wuertschatzverméttlung an ausgesichte Sproocheschoulen, 2012, Tuteur: Dr. Melanie Wagner

Sproochgebrauch op de Lëtzebuenger Gerichter. Eng empiresch Etude, 2012, Tuteur: Prof. Dr. Peter Gilles

Déi Aner Gratis-Press zu Lëtzebuerg, 2012, Tuteur: Dr. Paul Lesch

Phraseologismen a Lëtzebuenger Comicken, 2012, Tuteur: Prof. Dr. Peter Gilles

Sproochstellungen an Astellungswandel. Eng empiresch Etude, 2012, Tuteur: Prof. Dr. Peter Gilles

Die Rezeption der Universität Luxemburg in der Luxemburger Presse. 2012, Tuteur: Dr. Paul Lesch

D'sproochpuristesche Discoursen an den Internetforen zu Lëtzebuerg, 2012, Tuteur: Prof. Dr. Peter Gilles

Sproochepolitik a Sproochenidologien an de Facebook-Gruppen iwwert Lëtzebuerg an d'Lëtzebuenger Sprooch, 2011, Tuteur: Dr. Melanie Wagner

D'Migratioun an de Lëtzebuenger Literaturen. Eng Analyse vun de Romaner Mrs Haroy ou la mémoire de la baleine vum Jean Portante an Grouss Kavalkad vum Guy Rewenig, 2011, Tuteur: Dr. Jeanne E. Glesener

D'Standardiséierung vun der Lëtzebuenger Sprooch unhand vum Dicks a vum Josy Braun, 2011, Tuteur: Prof. Dr. Peter Gilles

Linguistic Landscape zu Lëtzebuerg. Sprooch vu Stroossennimm op Stroosseschëlde, 2011, Tuteur: Dr. Melanie Wagner

Phonetesch-Phonologeschen Dialektwandel zwëschent de Generatiounen um Beispill vum „Kaalber“ a „Veiner“ Dialekt, 2011, Tuteur: Prof. Dr. Peter Gilles

Das Selbstbildnis der Luxemburger. Im Spiegel der Berichterstattung des Luxemburger Wortes 1848 – 1872, 2011, Tuteur: Dr. Jeanne E. Glesener

Medienerziehung im Luxemburger Schulsystem. Historischer Rückblick und bestandsaufnahme der aktuellen Situation, 2011, Tuteur: Dr. Paul Lesch

Realitéitsversiounen an der Fiktioun vum Claudine Muno, 2011, Tuteur: Dr. Jeanne E. Glesener



© Brumat Photo / Foersom s&f

THE UNIVERSITY OF LUXEMBOURG

Founded in 2003, the University of Luxembourg is the first and only university of the Grand Duchy of Luxembourg. Multilingual, international and research-oriented, it is a modern institution with a personal touch.

Fondée en 2003, l'Université du Luxembourg est la première et unique institution en son genre au Grand-Duché de Luxembourg. Multilingue, internationale et centrée sur la recherche, elle se définit comme une institution moderne à visage humain.

THE UNIVERSITY IN FIGURES* / L'UNIVERSITÉ EN CHIFFRES*

Ranked 193rd worldwide in the Times Higher Education (THE) World University Ranking 2015 / Classée en 193^e position au niveau mondial dans le palmarès 2015 publié par Times Higher Education (THE)

- 6172 students / étudiants
 - › 3080 international students / étudiants internationaux
 - › 3043 undergraduate students / étudiants en Bachelor
 - › 1408 postgraduate students (Master) / étudiants en Master
 - › 1204 other students / autres étudiants
 - › 613 PhD students / doctorants
- 115 nationalities (students) / nationalités (étudiants)
- 1602 employees / employés
- 241 professors, associate professors and senior lecturers / professeurs, assistant-professeurs et chargés de cours
- 858 adjunct teaching staff / vacataires
- 61 degrees / formations (11 bachelor's programmes, 32 master's programmes, 11 vocational and lifelong learning programmes)
- 11 research units / unités de recherche
- 3 faculties / facultés
- 2 interdisciplinary centres / centres interdisciplinaires

* October 2015 / octobre 2015

KONTAKT

Université du Luxembourg
Faculté des Lettres, des Sciences Humaines, des Arts et des Sciences de l'Éducation

11, Porte des Sciences
L- 4366 Esch-sur-Alzette

Fir Informatiounen iwwert de Master en langues et médias – Lëtzebuenger Studien

Studiendirekter

Prof. Dr. Peter Gilles
T. +352 / 46 66 44-6383
peter.gilles@uni.lu

Allgemeng Informatiounen

Dr. Melanie Wagner
T. +352 / 46 66 44-6271
melanie.wagner@uni.lu

Sekretariat

Pedro Tavares Mendes
T. +352 / 46 66 44-9617
pedro.mendes@uni.lu

<http://malux.uni.lu>





Mir sinn och op facebook

Fir Informatiounen iwwert d'Aschreiwungen an d'Studenteliewen:

Service des Études et de la Vie Étudiante (SEVE)
Belval Campus
2, avenue de l'Université
L-4365 Esch-sur-Alzette
T. +352 / 46 66 44-6060
seve.infos@uni.lu

www.uni.lu

The University of Luxembourg is on facebook  and twitter 

University of Luxembourg
Multilingual. Personalised. Connected.

